

崇陽縣志卷九目錄

人物志下

閨範  
婦節  
賢母  
貞命  
女烈  
婦壽  
合母  
分類  
孝類

崇陽縣志

卷九人物 目錄

崇陽縣志卷九

閨範

節類

婦貞女烈婦合類孝婦賢母命婦壽母分

廖秉文妻蔣氏蔣義女年二十一夫故遺腹生子  
福矢不再適苦節終身鄉里咸敬慕之永樂中旌  
表

諸生楊鎰妻吳氏吳昺女二十三歲夫故子在襁  
裸或欲奪其志斫庭前桂誓曰此吾夫手植者欲  
改行有如此桂以壽終

馮璽妻楊氏楊孟鐵女夫亡年二十撫妾遺腹子  
成立

崇陽縣志

卷九 人物

閨範

一

馮鼇妾谷氏宛平谷祥女鼇仕蜀卒官所氏年甫  
二十徒步扶喪歸葬邑西台陂與嫡某氏皆無子  
相誓死守居城中朝夕奉奠如事生每掃塋徒步  
往雖風雨無阻家貧紡績易食即至親不一見嫡  
死窘益甚節益堅縣令易貞元居以官地胡秉性  
奏請旌表立棹楔縣前承流坊南題柱云苦節元  
無違俗意清風自有式閭人卒年九十四

庠生傅楚中妻王氏于歸一載楚中自省垣歸中  
途被仇家毒死氏年二十一撫遺孤守節五十六  
年備嘗辛苦卒蒙旌表所居地名龍坊因氏建坊

得名

壬寅  
志稿

汪庭妻程氏咸甯程沂女早寡泣血喪明撫妾子  
成立承大宦後一綫垂危氏內理煩外禦侮艱難  
萬端勞瘁以支士大夫嘉之司府縣均旌表其門  
有清朝白璧節孝範俗貞節維風諸編額

汪菊姑汪恭孫女年二十適王姓夫故旋母家獨  
居一樓三年後大父母憐其少將再嫁之女誓不  
渝節因名其樓曰雁翅取雁不再配之義邑顯者  
欲以上聞姑堅辭不許

壬寅  
志稿

殷仰欽妻曾氏二十六歲守節撫孤成立孫文列

崇陽縣志

卷九 人物

閩範

二

邑庠

補

饒安世繼室金氏休甯金文毅公聲之女安世卒  
時氏年十七矢節靡他麻衣蔬食終制置靈於榻  
牖午夜哀聲數十年不絕以壽終督學高世泰編  
其門

右俱  
節婦

張經世妻石氏興國諸生石漢女名瓊秀未笄夫  
死且葬瓊秀素服奔喪臨穴一慟幾絕旋起拜舅  
姑曰不幸不及事吾夫猶幸得事二尊人卽無他  
志矣未幾舅姑喪毀傷骨立辛苦饑寒後數年嘔  
血死

右貞  
女

蒙正發妻方氏徽州人父富商來崇見正發奇童以女歸焉乙酉難作正發奔湖南氏從其父匿通城不得正發音息氏性故剛烈念亂離身將安託遂自縊後正發仕永明朝具狀請卹贈孺人予祭

一壇

右烈婦已上俱明人

魏良勲妻揭氏年十七而寡孝養翁姑撫子士儒成立雍正五年請旌建坊祀節孝祠

丁鳳儀妻陳氏邑庠陳鵬女生二子韓轍早寡矢不他適有姑在堂夙嬰癱疾飲食起居朝夕不離左右凡四十四年姑以壽終閭里咸重其節孝雍

崇陽縣志

卷九 人物

閩範

三

正甲寅請旌

增生汪臺妻王氏邑庠王世超女于歸七載夫歿遺孤大者五歲次二歲氏孀居以慈母兼嚴師督二子讀書俱成知名士鍾衡貢拔萃鍾華遊郡庠年九十歿乾隆三年請旌建坊門首莊殿撰有恭賦詩載建置志

王元士妻龔氏年十九而寡撫孤子事舅姑備極勞苦子名經緯及長娶婦遊庠未幾不祿氏撫孫成立復見孫遊庠飲冰茹蘖丸熊課讀者兩世乾隆元年題表旌節以壽終孫名瑚歲貢生

右俱婦節

汪鍾睿妻王氏王上授女未成婚而鍾睿歿氏縞素登門拜舅姑循子婦禮立夫後親撫養之父母不敢奪其志鄉里咸敬重焉

右貞女

王作相妻陳氏邑庠陳惇女成婚未久夫歿無嗣還依母家誓不他適事父母盡孝已而伯氏夫婦偕亡遺子女幼氏復往夫家撫育之篤於親生遇有疾憂惶禱佑且竭力覓翁姑葬地捐貲助修宗祠屏釵環衣澣濯食無重味以紡績餘資贖回伯氏賣產增置祭田遇翁姑及夫忌辰奠茶酒哭泣悲哀終身如一日鄉里嘖嘖稱之

崇陽縣志

卷九 人物

閩範

四

太學鄭瀚昌繼室楊氏蒲邑諸生楊文燮女于歸三月夫歿氏斷髮以示守貞作詩五章見志事祖姑及姑盡孝姑老病祈禱願以身代姑病旋起咸謂誠孝所感前室汪氏遺孤黃口多病氏撫摩鞠育不頃刻離懷孤漸成人不甚好學乃操利刃泣諭之曰吾所以不死者爲大母與汝耳今汝不勤讀吾將血此刃以報爾父於地下孤感悟力學又以汪氏墓兆未安改卜善地每寒食必往奠紡績之暇卽誦書史教孤自夫歿後持齋凡十餘年鄉人皆欽其節

田聖猷繼室甯氏邑人甯宏志女于歸一年夫病劇氏刲股和藥創重幾死夫歿將以身殉念翁姑老前室余氏遺孤甫半齡乃忍死守義勤紡績節衣食以扶老撫幼足不踰閫子鎬成立與諸叔析箸氏戒無爭競田產自取薄者家庭義之咸化爲禮讓氏於田族中最長一姓四十餘戶婦姑無勃谿聲有不順者輒自悔曰無使甯母聞之其見嚴憚如此

士人徐聞詩妻吳氏吳進先女夫亡舅姑欲奪其志慟哭不從事舅姑益盡職撫兩孤子以養以教

崇陽縣志

卷九 人物

閩範

五

備歷艱辛凡數十載眼見曾孫年八十四無疾而終氏性好潔暮年子婦進飲饌器必加巾拭不欲以節孝聞有譽之者輒面斥其非云

右俱節婦

胡貞女其父胡帝世寡人也女幼許字廖姓未嫁壻夭父兄欲令他適女誓死不從曰家雖貧以鍼紉度日足矣乃一室獨居四十餘年人不堪其苦女處之恬然年六十餘老於母家

王廷治妻舒氏妾廖氏俱以節著初舒氏年二十歸廷治相敬如賓五載無出聞廖氏賢勸夫納爲妾廖氏生二子曰桂曰彩舒視廖如妹撫其子若

己生廖亦姊事舒以桂爲舒子廷治病二婦同祈  
禱爭以身代及歿同孀居形影相弔王氏故衣冠  
望族二婦治家嚴整內外肅然課兩孤嚴慈備至  
桂遊太學彩入邑庠一門雙節時人重之婦父舒  
玉正廖超元俱邑人已上乾隆壬申  
志外增四人  
石永藻妻程氏年十九于歸甫一年夫故舅姑在  
堂生養葬祭以婦代子兩叔幼延師課讀及長爲  
擇配先後遊庠各以一子承兄後乾隆甲申請  
旌建坊守節三十七年歿年五十七歲

庠生雷鳴亨妻駱氏年二十六歲夫故自矢靡他

崇陽縣志

卷九 人物 閩範

六

孝事舅姑教養二子湧雲凌雲先後入泮歿年六  
十有一道光六年學憲王旌節孝楊徽楠孫琦登  
第俱庠生

廩生陳崑禮妻楊氏舉人陳山秀之母夫早故氏  
矢志冰操課兒及孫成名學憲茹旌畫荻丸熊擘  
額卒年七十

陳定泰妻張氏年十九于歸甫期夫故苦節三十  
餘年容止端肅笑言不苟妯娒皆敬憚之

士人姜世德妻黃氏年二十九夫歿矢志冰守撫  
孤成立督令讀父書其子若孫後多列宮牆學憲

王額獎歿年六十有一

廩生陳從龍繼室汪氏年二十八孀居其姑耄且盲從龍繼母也奉之曲盡孝養撫前氏子如己出新入國學之枌之杞同賦泮遊學憲王旌額曰節孝流芳

程普亨妻劉氏二十二歲夫故遺孤甫週晬撫養成立延師課讀并其孫茂才開益孝廉開第明經開南皆氏教育辛勤之報守節四十八年道光己丑旌

王錫齡妻蘇氏年二十夫故子湜生僅八月時姑

崇陽縣志

卷九 人物

閩範

七

年邁氏養生送死備極誠敬撫子勞以成愛督令力學不少寬湜後舉明經熊丸之助居多歿年七十學憲王獎節孝流芳櫛

田爵一妻王氏年二十八夫歿家貧苦節教子孫以詩書壽八十有五學憲王給節孝流芳額庠生正南明經正表太學賓暘植清皆其後也

庠生陳鉅修繼室葉氏子婦汪氏孫婦黃氏三代節婦也鉅修子家齊孫之極皆不壽葉氏年二十五而寡汪氏孀居時年二十六之極歿黃氏年亦僅二十八一門冰雪鄉里嘉歎之學憲涂錫三世

貞徽湄懸陳氏宗祠咸豐乙卯祠再三被兵燹湄  
上一梁獨無恙咸謂鬼神呵護云

陳貞女庠生陳定國女也年十二許字江夏庠生  
鄭澤達未婚壻歿女年十七依父母以居矢不他  
適鄭氏諸姪重其堅貞迎至江夏養之爲立後承  
祀苦節三十餘年霜天月夜常有孤鶴繞其舍鳴  
人謂貞節所感

本江  
夏志

石光國妻馮氏

陳遇時妻盧氏

郭坤士妻揭氏

某節婦譚氏

孫惟安妻沈氏

陳祥宇妻余氏

崇陽縣志

卷九人物

閩範

八

章岳氏

章黎氏

胡黎氏

黎應僖妻朱氏

鄒衍儀妻夏氏

夏振緒妻鄭氏

孫沐祖妻徐氏

殷朝銓妻熊氏

楊羣超妻陳氏

陳致和妻汪氏

陳執玉妻沈氏

余希虞妻吳氏

蕭玉綬妻汪氏

蕭鰲妻王氏

金明儒妻王氏

陳理妻魏氏

余懋德妻殷氏

宋萬鼎妻姜氏

王坦妻陳氏

余開圭妻陳氏

王廷旺妻舒氏

王正華妻廖氏

王國淮妻龔氏

王淮妻黃氏

胡允詔妻宋氏

胡世拱妻黎氏

譚裕鰲妻饒氏

徐虞臣妻丁氏

李某妻張氏

夏士俊妻李氏

某節婦李氏○已上俱本湖北通志其有傳略見乾隆壬申志者魏揭氏以下十一人見道光壬寅稿者石程氏以下十二人其餘皆不能詳蓋通志修於嘉慶癸亥至今六十餘年所采姓氏其子孫多式微不復呈行狀故仍照通志書之存姓氏而

已其間有刪去者係重載及命婦誤編入者也

諸生殷卜楫妻雷氏二十一歲夫故事翁姑盡孝翁卽明經學璿也氏恐墜書香以義方教子守節五十七年子試詮妻李氏生孫本濤試詮病歿婦姑相依撫一黃口備極艱辛李之孝順如其姑姑老疾痛苛癢躬親抑搔終姑之世未嘗離側守節四十三年道光七年學憲王旌獎兩世清操本濤妻沈氏生子植澧本濤又病故沈誓不欲生止之者曰姑老子幼前型具在取法可也乃不死沈氏勤紡織善居積督子讀書遊郡庠邑有善舉勉使

肩任學憲李額獎貞潔流芳道光二十一年合三代詳請 旌表建坊植禮後以軍功官巡政

黃裕苗妻馬氏夫歿年二十七矢志守節繼子承桃姑年老性極嚴氏每歸甯必稽首稟命反亦如之奴婢雖眾寢膳必躬親調護終姑之世無少懈時稱孝順歿年七十有三

胡江聘妻孫氏年十入未婚江亡聞訃奔喪撫棺痛哭絕而復蘇者再服闋矢不他適父母莫敢奪其志嘉慶九年 旌

儒童傅常鼎聘妻徐氏年十四常鼎病故氏縞素

崇陽縣志

卷九 人物

閩 範

十

奔喪哭拜舅姑願以身代子職撫夫兄子譽霖爲後茹蘖飲冰不輕言笑不衣綵帛足迹不出戶庭者五十餘年道光初譽霖郡試第一遊庠六年請旌建坊長孫文瀚今補增廣生

士人龐中睿妻黃氏二十二歲夫故氏痛不欲生遺腹生子兩萬家貧艱苦萬狀矢志冰霜上事舅姑撫孤成立歿年八十孫廷昌入泮猶及見之明經恆泰其曾孫也

陳增鳳妻羅氏二十五歲夫歿撫遺孤以養以教備歷艱苦壽七十有五族里欲請旌氏曰守節吾

分豈求名乎堅辭不允太學德華廩生汝敬其孫曾也

龔仁剛繼室楊氏性激烈仁剛有狂疾氏百計調治病竟不起氏辦兩棺殮夫畢自吞藥死夫婦合葬土人呼鴛鴦家學憲鮑額獎苦節芳型烈婦

甘慕禹妻任氏于歸二載夫歿孀居五十餘年撫猶子太學生同忠爲夫後備嘗辛苦金石不渝道光三年旌

丁永正妻王氏年二十六夫故撫兩孤成立長清玉太學生次清冰邑庠道光八年請旌孫大鏞

崇陽縣志

卷九人物

閩範

十一

亦入邑庠

程源拔妻李氏二十八歲夫歿矢志不渝事姑孝教子嚴寡言笑見兄弟不踰閫守節四十七年道光二十一年旌

羅興良妻傅氏二十七歲夫故甘貧養子鄉里咸欽其節歿年七十有二

雷仕達妻張氏年十九夫故三月生遺腹子甘貧撫鞠躬操井臼善事舅姑守節二十八年道光七年學憲王表其門

士人王廷玉妻陳氏監生王世基之母廷玉故氏

年二十七矢志守節教子義方居積成素封之家  
守節五十七年壽八十有四道光十五年請旌  
建坊

劉時茂妻楊氏邑庠楊楚鳳女年二十九夫故守  
節三十一年教子鎮華遊郡庠歿年六十鎮華妻  
吳氏通城諸生吳遵濟女年二十八鎮華不祿氏  
撫兩孤成立苦節三十三年學憲王旌額兩世清  
操鎮華次孫樹山妻沈氏太學沈士林孫女年二  
十四而寡無出撫猶子爲後守節三十餘年今見  
存

崇陽縣志

卷九 人物

閩範

十二

貞女朱輝父朱鼎臣母饒氏無子輝幼讀女誡書  
年十五將議姻兒兩親有愁顏乃誓守貞不字衣  
男子衣朝夕侍膝下兩親年踰八旬生養死葬祭  
一一如人子禮嘉慶十一年輝年五十學憲吳梈  
獎孝行可風邑人士皆詠歌之後以壽終  
生員黃淳妻陳氏太學陳臻達女年二十四夫故  
艱苦守志撫孤成立事舅姑以孝聞道光四年王  
學憲獎節孝可風額

傅預登妻陳氏年二十夫故家貧撫孤矢志不奪  
歿年七十

程人道妻黃氏年二十六夫故守志不渝學憲朱  
獎松心柏節湄額歿年八十有五

陳文顯妻王氏年二十三夫故無子堅志苦節孝  
奉翁姑歿年七十有三

夏樹恭妻黃氏年二十九夫故翁姑垂老子幼耐  
貧茹苦孝養兼盡守節四十三年學憲王額獎節  
孝可風

朱玉琳妻宋氏年二十八夫故事姑撫子守志不  
渝嘉慶二十二年學憲沈額獎節孝風清

士人王中相妻劉氏年二十四夫故遺一女清操

崇陽縣志

卷九 人物

閩範

十三

自勵食苦茹荼事舅姑時具甘旨守節四十餘年  
人無閒言道光七年學憲王額獎節孝可風歿年  
七十

士人汪正瑩妻吳氏吳魁昌女年十七正瑩患狂  
疾氏于歸躬侍湯藥不解衣而寢者十有二年夫  
故哀號瀕死者再族人憫之以夫兄正瓊子散烈  
爲之嗣道光八年旌

士人陳于一繼室張氏年二十夫故矢不他適撫  
養前氏子成立恩愛若親生孫炳珩入邑庠  
太學生陳鴻緒妻金氏年二十七夫歿孀居苦節

撫週歲遺孤督令讀書事盲姑以孝著學憲王額  
獎節孝可風壽九十六歲孫炳南登賢書猶及見  
之

楊登元妻張氏年十九夫故孀居六十餘年足不  
踰閬道光十一年捐田入學宮爲修葺節孝祠費  
學憲王額獎

庠生何灼芳妻王氏年二十八夫故冰操自矢家  
貧子幼紡績度日訓子有義方子周申孫運炳俱  
入邑庠

何元珠妻程氏年二十九夫故撫孤成立督教有  
方孫周鼎入邑庠

沈萬成妻劉氏沈垂久之母萬成歿堅貞自矢撫  
孤成立嚴慈兼盡學憲王給砥節懷清楸郡庠得  
源太學興仁裕源邑庠清暉皆其後

李開源妻吳氏年二十一夫故清貧苦節撫孤成  
立卒年七十

汪正斗妻王氏夫故年二十四家貧紡績自贍撫  
養三子備極艱辛學使王給淑節幽芳楸

汪啟道妻龔氏年二十于歸甫數月夫歿絕意歸  
甯事祖翁姑及姑黃氏以孝順聞繼姪太學生鏗

仁爲嗣

汪正龍妻吳氏年二十四夫故苦節不渝事姑以孝繼姪啟明爲子學憲王旌懷清履潔額

羅式玉妻戴氏年二十夫故家貧苦志自守撫孤成立七十餘年堅貞如一日學憲王給松筠勁節額

張升高妻殷氏殷植澧胞姊夫故欲以死殉族姻多方勸慰撫養遺孤成立以紡績所餘散給族里中之貧且衰者守節三十二年道光二十一年

旌表建坊

崇陽縣志

卷九 人物

閩範

十五

胡堂日妻沈氏年二十四夫歿遺一女矢志自守始終不渝卒年七十

王賜起妻趙氏年二十四夫歿撫周歲遺孤教養兼至壽六十六學憲王獎以額

孫傅氏傅晃日女生三月乳於壻家九歲壻孫春茂殤姑撫媳若女將俟其長成嫁之氏性激烈偶以事忤伯兄伯怒叱曰爾豈我家人耶氏痛哭剪髮一束持與伯曰所不能爲孫家人者如此髮聞者謂童年憨態也氏自是竟卓立若男子身任井臼孝養厥姑面鐵心冰雖妯娌之親不敢嘗以戲

言年五十學憲楊獎節孝可欽額以壽終氏一生負氣老年氣益厲婦女不率教者不敢過其門鄭松妻王氏年二十七夫故遺一女苦節堅貞就姪紹光侍養教姪入泮壽八十二學憲王給額旌獎

武庠黃金魁妻姜氏年二十七夫故氏欲以死殉溺水者再親屬立勸乃止撫遺孤督教如嚴父壽五十有八

甘德優妻陳氏年二十二夫歿撫遺腹子嚴慈兼至守節四十餘年學憲給額

崇陽縣志

卷九 人物

閩範

十六

庠生方光朝妻程氏年二十六夫歿矢志靡他撫孤子成立事姑孝養備至子名明魁妻袁氏年二十一明魁歿遺一子姑媳相依義方垂訓一門清節鄉里嘉之

陳班鼇妻金氏年二十六夫故堅志苦守事姑以孝聞學憲王給額

甘次賢妻王氏年二十夫故矢志守節備嘗辛苦歿年六十

王千里妻孫氏于歸時千里已抱痼疾氏侍湯藥敬戒備至夫歿矢志不二守節四十八年學憲王

給砥節懷清額

士人孫廷瓊妻龐氏年二十三夫故冰清自矢繼

一子承夫祀守節五十餘年壬寅志稿有孫廷愛妻龐氏疑是一人

殷植柑妻孫氏年二十七夫故遺一子誓不再醮

奉一翁三姑曲盡孝道守節三十八年學憲王旌

節真孝摯編

杜昌霖妻孫氏孫鍾琇女年二十七夫故無出繼

子承桃冰霜之節人無閒言道光二十二年請

旌

王懋相妻陳氏夫故年二十三撫二歲遺孤以哭

崇陽縣志

卷九 人物 閩範

十七

夫喪明苦節四十七年

汪節文妻陳氏年二十九夫故家貧子幼舅姑在

堂艱苦備歷壽年六十有三

士人沈昌壽妻王氏年二十四夫故遺孤定時甫

周月矢志不渝家貧翁姑老勤紡績以奉甘旨備

歷艱苦定時英年貢拔萃科

士人饒世賦繼室蕭氏年二十五夫歿無出家貧

紡織自給矢志柏舟撫繼子序琛如己子族里無

不欽敬歿年七十有一

增生夏樹桂妻蕭氏年二十四夫故茹苦矢貞事

姑孝養無閒歿年六十

士人甘德輿妻米氏年二十七夫故僅遺一女孤苦零丁紡績自度守節三十二年

胡上德妻曾氏年二十八夫故繼姑在堂孤子四人氏堅志事畜紡績自贍鄉里欽其閨範壽七十有一

劉紳華妻程氏年二十夫故孀居三十年始終一節邑侯顧給貞潔可風額

雷煥章妻孫氏夫故守節不渝學憲王給額

士人何勲芳妻鄭氏鄭龍光女二十八歲勲芳應試溺水死氏守節靡他督孤子讀書繼志歿年七十有三

崇陽縣志

卷九 人物

閨範

十八

廩生程登仕妻劉氏年二十八夫故欲以身殉翁姑防守甚嚴得不死撫幼事老無不曲盡學憲王給扁歿年六十有八

優庠生楊洪鏞繼室吳氏通城舉人吳保泰女年十七適楊甫一月夫故撫前妻二子教養兼施歿年二十七王學憲給節孝揚徽扁

士人楊廷彰妻雷氏年十八于歸甫一載夫故素服終身守節四十七年學憲洪旌勁節可風扁

龐吉山妻王氏年二十九夫故守節四十一年  
田正倫妻黃氏年二十六倫故自刎幾斃族里勸  
慰之乃不復求死事姑撫幼極其懃懇守節十九  
年歿  
龐芳若妻潘氏二十九歲守節貞烈自矢歿年七  
十有七

楊琮鑑妻黃氏于歸甫閱月夫故氏慟哭幾絕撫  
弱姪爲子以奉夫祧苦志十八年歿年三十六  
鄭容光妻汪氏年二十八歲夫故矢志自守撫孤  
子理成立姑廖氏年老目昏氏奉養備至得其歡

心孤幼多病氏常泣曰若此子不生我亦無庸活  
也性慈善一生未見怒容雖居城市足未常出戶  
外及年老親族非大慶弔並不省視日惟紡績自  
給王學憲給額詳請 旌獎歿年七十有五  
士人王梗材妻饒氏生員饒世則女夫歿年二十  
九遺三子俱幼家貧操懍冰霜辛苦萬端撫子成  
立事翁姑得其歡心姑疾勤侍湯藥並徹夜不遑  
假寐如是數月無倦色族里咸稱之歿年七十有

二

饒序宗妻鍾氏夫故遺一子俊奎時氏年二十八

歲家貧節懷冰霜事翁姑孝順不違撫孤子教養  
備至歿年八十有三

饒世愷妻張氏年二十九夫故生三子紡績度日  
撫孤成立孫男繞膝閭里咸重其操歿年七十二  
監生王蔭烈妻石氏夫故年二十九矢志不二遺  
一子教養成人族里重之歿年七十有九

士人饒序琳妻王氏年二十六夫歿撫數月遺孤  
俊義成立事翁姑曲盡孝道壽年八十四無疾而  
逝

王天文妻黃氏年二十八夫故遺一女守節四十

崇陽縣志

卷九 人物

閩範

二十

五年歿學憲王給額旌獎

曾永貞妻溫氏年二十六夫故矢志守節撫兩孤  
成立家雖豐厚事舅姑飲食必躬親不使人代姑  
病躬侍湯藥三年不倦鄉里以孝稱歿年六十七  
長子應鸞貢生次應泰議叙

楊超謹妻王氏年二十六夫歿撫孤成立苦節堅  
貞孀居三十一年

傅朝材妻李氏年二十三夫故撫孤成立守節四  
十五年

楊滿鑑妻汪氏汪襄贊女二十一歲歸楊六年而

夫故苦節自矢奉事老姑撫孤子洪灼督令讀書  
遊庠鄉族嘖嘖稱賢氏雖女流通書算善理家政  
手錄一冊遺子孫歿年五十有六學憲王給梩旌  
獎

徐遷喬妻傅氏傅心仁女于歸四載夫故苦志撫  
孤守節三十八年學憲王旌梩額

汪襄贊之妻袁氏汪峩石之妻王氏姑媳柏舟自  
矢玉潔冰清王學憲旌獎兩世清操梩額

楊惠鑑妻洪氏于歸一載夫故遺一子洪濟僅數  
月撫孤成立守志不撓苦節四十一年歿年五十

崇陽縣志

卷九 人物

閩範

二一

八婦陳氏歸洪濟四年而寡遺子二長三歲次甫  
三月陳繼姑志守節三十年年五十四學憲王贈  
世節揚輝梩額

士人龐黃梧妻汪氏年二十夫故撫遺腹子矢志  
靡他守節五十二年歿年七十有二學憲王賜梩  
額

汪盛泰妻羅氏年二十八夫故守節不渝仰事俯  
畜曲盡其道學憲王給梩旌獎歿年七十

蔡京明妻饒氏饒國憲女年三十夫故事翁姑撫  
孤子備歷艱苦歿年七十有二

熊學亨妻舒氏舒國清女年二十三夫故遺一子撫養成立孝事舅姑人無閒言學憲沈給冰蘖堅貞梩歿年八十有二

夏汝霖妻雷氏年二十九夫故家貧子幼甘心茹苦守節三十四年

魏遠輝妻汪氏二十八歲夫故矢志守節一日歸母家道遇同懷兄弟勸其再醮氏聞言即忿氣返此後絕不一往歿年五十有一

陳引端妻王氏年二十六歲而寡生一子方歲餘氏矢死靡他撫孤成人後嗣蕃衍歿年九十

崇陽縣志

卷九 人物

閩範

二二

鮑魁明妻陳氏年二十九孀居孝慈兼盡懍懍清操金石不渝

饒世棟妻劉氏夫故年二十九遺三子俱幼姑老家貧備極艱辛已而三子復相繼亡終日涕淚不乾撫幼孫成立歿年六十有一其媳黃氏現年六十二孀居三十五年節孝亦如姑

姜象泉妻米氏庠生米宗岳女十八歲于歸言動以禮得舅姑歡心二十八歲夫故痛哭欲以身殉家貧撫遺孤三紡績度日苦節二十一年

張文照妻黃氏黃承祖女知書數明禮義二十歲

于歸越三年夫故無出勤紡績奉孀姑凡三十餘年不懈壽八十康健如常預知某日當死無病而逝鄉里傳爲美談

儒士許人偉妻程氏程首學女二十一歲于歸甫年餘夫故家貧無出矢志不渝舅姑在堂孝養無懈撫繼子廷桓恩義兼盡儉積成家督孫榮陞讀書遊庠守節五十六年歿年七十有八

士人陳班教妻余氏年二十六夫故矢志不貳守節三十五年學憲王獎額

太學生石其介妻甘氏二十六歲夫故守節三十

崇陽縣志

卷九 人物

閩範

二三

四年

石光楷妻舒氏二十四歲夫故守節四十年

石則安妻王氏二十一歲夫故守節三十五年右三節婦出一門鄉里重之

王君試妻熊氏于歸五年夫故苦志撫孤歿年七十有二

雷文通妻張氏張廷輔女年二十九夫故孝事翁姑撫育二子甘心荼蓼學憲王給砥節懷清楸守節四十五年

熊光祖妻揭氏夫歿氏哀痛不欲生公姑邏守之

得不死事親撫姑備嘗艱辛以高年終  
魏森玉妻程氏年二十五夫故矢志守節歿年七  
十有六

熊作敬妻龐氏年十九夫外出病故氏矢不再醮  
事九十八歲老姑孝養盡禮鄉鄰稱誦

士人米錫綬妻汪氏年二十四夫歿遺一子撫養  
成立孝事翁姑無違禮

生員汪正簡繼室劉氏士人劉經國女生二子夫  
歿時年二十六苦節自矢撫前氏之子如己出設  
夫位朝夕敬奠飲食必祝歷四十五年如一日

崇陽縣志

卷九 人物

閩範

二四

廖文興妻陳氏陳繩祖女二十二歲夫故無出矢  
志守節繼姪爲子娶婦生孫甫週歲子婦相繼亡  
撫孤孫成立備嘗辛苦歿年八十有二○按節母  
康熙時人道光壬寅秋其裔孫夢白髮媪授一帙  
展視乃空幃自嘆詩全首六韻中有閒幃夜冷淚  
痕溼松柏淩霜不改常之句旣寤以語塾師陳之  
棟陳曰邑方續志子先世殆有節母未表乎鄰嫗  
年八十餘詢之始知其詳嫗又言族里嘗壽節母  
以楸歿後數十年宅火燬楸獨無恙尤足異也  
張貞女生乾隆初年性愛潔酷信佛事發願長齋

因父母年老矢志不嫁勤苦紡績以養終歲不出  
閨門雖族戚不輕相見年八十五歲無疾而終  
龐太國妻劉氏年二十于歸閱四載夫歿無出翁  
姑衰老紡績供膳處貧乏而百折不回道光二十  
三年學憲朱旌節孝可風棉

太學生沈萬濟妻陳氏士人陳家相女年十八于  
歸二十四夫故遺孤四齡氏矢志靡他遷居教子  
治家嚴肅躬任作勞後嗣蕃育眼觀五代歿年八  
十有八

太學生石倫時妻甘氏太學甘元紳女二十于歸

三十夫故無出矢志不渝繼子鉅豪太學承夫祀  
舅姑久歿歲時伏臘必灑涕祭奠守節五十三年  
以壽終

殷世勲妻張氏嘉慶五年于歸幽閑貞靜敬執婦  
道二十八歲而寡苦志撫孤風規肅然守節五十  
年以壽終

周日光妻羅氏羅可人女乾隆四十一年于歸閱  
數歲夫故氏年二十有六家貧孀居奉舅姑撫孤  
子不辭勞瘁歿年七十有九

庠生余應鼎妻丁氏丁鉅德女生子甫六月夫故

時年二十八矢志孀居奉姑育子備極辛劬歿年六十有一

士人胡興禮妻王氏王學川女夫故年二十有四生孩僅六月矢志柏舟毀容屏飾奉親撫子曲盡其道歿咸豐戊午壽八十四歲

汪德盛妻龐氏二十歲夫故遺孤子茂壽矢志不易孝事舅姑撫孤成立所居地有山港當吳楚通衢氏將歿命子建橋利濟名遺命橋

余榮夏妻徐氏蒲邑徐振先女十九歲于歸二十六夫故矢志靡他奉舅姑盡禮撫遺腹子魯習力學遊庠家故貧延師課讀豐餼厚金歷久勿怠歿年六十有六

士人龔肇恂妻程氏程昌禛女二十于歸二十七夫故家貧姑老二子俱幼氏紡織維勤姑歿喪葬竭誠教子有義方節操堅貞四十三年如一日以壽終

金開勲妻李氏李玉成女二十五歲夫故家貧撫二歲遺孤苦節不渝歿年七十有三

江業潤妻胡氏幼嫻姆教知書算于歸生一女二子三十歲夫故堅貞自勵風規肅然長日無笑容

守節凡四十年以壽終次子秀琪太學生

楊超雍副室余氏漢陽人貞靜慈和持家儉約于歸數載夫故苦節五十餘年內外無閒言道光丙戌王學使攄獎

楊洪第妻賀氏蒲圻庠生賀國泰女十八歲來歸二十七歲夫故誓以死守生平寡言笑慎起居尙儉樸子姪輩見之莫不肅敬守節五十三年道光辛丑學使朱額獎

士人賴均雋妻黃氏年二十夫故遺一子矢志守節事舅姑盡職以壽終

崇陽縣志

卷九 人物

閩範

二七

沈昌瑚妻雷氏二十五歲夫故家貧撫孤成立族里無閒言

龐永興妻孫氏十九于歸二十一歲夫故無出繼一子承夫祀學使朱給獎勁節幽光額以壽終士人傅源鍾妻李氏二十五歲夫故孀居事翁姑盡職督孤子口鼎讀書成善士守節十五年歿庠生龐允升妻汪氏溫惠淑慎二十三歲夫故氏守志撫孤成立鄉里稱之

庠生丁清黎繼室劉氏生一子夫故撫前妻二子如己生紡績度日守節三十年

傅三姑名素蘭太學傅祖忠孫女幼字程引杞年二十二將婚引杞病故女聞訃一號仆地素服奔喪誓以身殉邏守之得不死畱事孀姑越六載女歸省親面上時有淚痕父母心惻欲奪其志會媒媪至密議將成女知之仰藥求死未果中夜從容沐浴更衣登樓自經崇俗處女辮髮嫁時方挽髻女笄多年矣臨死仍辮髮明全其爲女云時年二十有七道光癸卯同其姑請旌

楊銓鑑妻鄒氏鄒勝歡女早年夫故守節不渝事姑盡職閨範甚嚴年九十時見生客猶赧然退謂

崇陽縣志

卷九 人物

閨範

二八

子姪曰女子位乎內吾雖老媪使人見面不愧乎道光丙戌王學憲表其門

王澹溥妻葉氏二十歲夫故事姑盡道撫孤成立壽年八十縣學張之梁給勁節千秋櫛

王十學妻鄭氏鄭光廷女年十八夫故撫遺腹子成丁事舅姑以孝聞姑死弱叔僅六齡撫養婚配一一周匝遺孤年二十餘天又撫孤孫成丁備極勞瘁節苦益堅鄉里稱之

陳之璪妻吳氏二十八歲夫故攜三孤子廬墓者九閱月奉姑盡職督姪炳旂讀書遊庠同治甲子

邑侯徐元杰詳請 旌表壽踰百歲

夏振緒妻鄭氏年二十餘歲振緒歿濟甯舟次喪歸氏哀慟幾絕撫遺孤母兼父道對妯娌言笑不苟雖處宦家與食貧居賤等蓉塘翁稱其才而賢

前依通志列名茲補傳

汪春琦妻陳氏夫故矢志不渝道光七年王學憲給節孝風清楣

雷起階妻孫氏夫故矢志不二王學憲給楣旌之李其灼妻甘氏二十四歲夫故矢志不移守節二十七年歿

崇陽縣志

卷九 人物

閩範

二九

程梅鴻妻譚氏年二十八夫故撫遺孤引杞引宋成立已而二子相繼夭杞聘妻傅氏前有傅宋妻朱氏二十六而寡遺孤一譚朱姑婦孀居苦節不渝譚氏於道光癸卯請 旌歿年七十有七朱付譚病累月衣不解帶歿葬祭竭誠族里咸稱之今見存

蘇尊爵妻彭氏彭慶山女夫故年二十九歲遺孤二氏矢志孀居舅姑高年奉養維謹姑病臥牀褥凡五載躬親調護未嘗一日離側學憲李給節孝流芳額壽六十有八

簡昌賢妻朱氏二十餘歲夫亡葬舍側時常攜遺孤就家哭三年如一日翁姑先歿叔翁欲奪其志氏泣語叔姑曰欲存孤兒當畱寡媳不聽遂雉經死士林多弔以詩熊處士世玉有彤管名香猶後事白蓮花潔是前身之句

陳序新妻伍氏二十七歲夫故遺孤一家甚貧生活取給鍼黹翁老病在牀服勤不怠鄉井僉稱節孝以壽終

譚首拔妻黃氏黃致高女二十六歲而寡甘貧守節奉舅姑盡職教子讀書夫弟死弟婦再醮氏撫

崇陽縣志

卷九 人物

閩範

三十

姪如己子族里稱賢道光二十七年 旌表建坊入祠

龐進賢妻姜氏十九歲夫故矢志孀居始終一節壽年八十有三孫曾林立道光七年王學憲給節真孝摯額

汪選堂妻龐氏二十歲夫故矢志不二撫猶子爲夫後道光十八年方學憲給節孝流芳額

余啟文妻丁氏丁光清女早年夫故守節不移年六十有六道光十八年 旌表建坊祀節孝祠  
陳渥元妻程氏二十一歲夫故家窘撤釵環勤紡

績奉養舅姑殯葬如禮撫孤子成立守節四十餘年

鄒廣盛妻金氏金名魁女二十三歲夫故矢志不奪歿年七十

太學沈達四繼室譚氏譚遇躔女二十八歲夫故矢志守節性靜一不輕言笑勤儉孝慈見稱宗族年六十有八

廖守通妻姜氏十九歲夫故無出撫兄子爲後或勸改嫁氏面斥之苦節五十年歿

汪時大妻黃氏黃萬珊女七歲歸汪合卺數年夫

崇陽縣志

卷九人物

閩範

三一

故氏年二十五誓志守節咸豐戊午撫憲胡給操比松筠額歿年七十有二

沈世洪妻殷氏庠生殷煌範女二十歲夫故家貧子幼苦節不渝鄰里皆欽敬之道光丁亥王學憲給節孝可風編歿年八十

甘清學妻殷氏殷湛明女性貞靜十九歲夫故矢志不二撫姪兩潤爲夫後歿年八十

士人黃學章妻余氏庠生余前樞女二十八歲夫故遺一女家貧紡織度日孝奉舅姑鄉里嘉嘆歿年五十有三

魏植三妻徐氏年未三十夫故矢志不渝事翁姑  
撫遺孤備歷艱苦道光七年王學使額獎節孝可  
風歿年六十有八

陳廷授妻蒙氏二十七歲夫故守節不渝歿年九  
十有六

黎雄圖妻吳氏二十一歲夫故家貧守節課子讀  
書王學使額獎清節揚徽歿年九十有七

全世潤妻王氏年二十九夫故矢志守節撫孤成  
立道光六年王學使梃獎節孝可風歿年八十有

四

崇陽縣志

卷九 人物

閩範

三二

程逢元妻龔氏二十一歲夫故舅姑在堂遺孤開  
謨在襁褓氏仰事俯畜一身任之節操冰清見重  
族里開謨列名國學

李連受妻金氏同里金開揚女二十七歲夫故家  
無儋石撫兩孤成立辛苦萬狀其志益堅李族長  
幼男女均敬服之

劉中富妻黃氏二十五歲夫亡家貧矢志靡他事  
舅姑撫遺孤倍厯辛苦鄉族無閒言氏勤紡績老  
年猶不自暇壽九十歲子孫衆多道光六年王學  
使給節孝可風額

陳錫均妻王氏二十四歲夫故撫遺孤二俱列成均孝事舅姑宗族靡有遺議

雷起汶妻龔氏夫故年二十八矢志柏舟荼蓼自奉始終如一

王尚瓊妻雷氏雷應元女夫歿氏年二十四冰霜自勵言笑不苟奉養老姑盡道撫孤成立生平好善樂施守節二十七年督學王表其門

王廷弼妻田氏二十一歲夫故柏舟自矢遺孤甫周歲撫養成立備極劬勞歿年六十有一

王煥文妻馮氏二十五歲夫故矢志守節閨闈則之

崇陽縣志

卷九 人物

閨範

三三

劉玉印妻王氏二十四歲夫故遺一子周歲而亡苦志守節孝事舅姑姑風疾在牀數年供侍湯藥歷久不倦繼姪俊顛承祀視如己子鄉里咸嘉嘆焉

太學生王西岳妻熊氏太學王定魁母魁生甫六月西岳病故矢志靡他撫孤成立以壽終

已上道光壬寅

稿

士人張元才妻駱氏駱雄萬女十七于歸二十九夫故矢志撫孤苦節不渝歿年八十有二

張紹達妻丁氏丁爲鳳女二十八歲夫故守節不移事姑孝姑病奉湯藥衣不解帶者三閱月子姪輩俱督令讀書鄉里稱之歿年九十有三氏一子依仁業儒早故婦吳氏吳九思女年方二十四遺子一守節如其姑見年六十有六一門清操遠近嘉嘆

郡庠鍾大有妻王氏士人王泰臨女二十五歲夫故矢志不二奉親盡孝養課子以詩書歿年六十有三長孫馥亭列邑庠

謝宗華妻陳氏陳德盛女二十一歲夫故懷妊在

崇陽縣志

卷九 人物

閩範

三四

身或以家貧無子勸改嫁誓死不從日夜祝天賜一男已而果生子盛達喜曰吾志遂矣勤紡績鍼

蒲奉姑養子苦節自甘歿年六十有四

汪道成妻黃氏黃惟聰女二十八歲夫故守節不渝歿年六十有八

熊崇義妻徐氏士人徐學林女二十六歲夫故撫八齡孤子上奉舅姑苦節不渝性好推解周給貧乏見稱鄉里歿年六十有四

舒黃萬妻汪氏汪立德女年十九于歸二十九歲夫故遺兩孤長光楚六齡次垂勳周歲氏矢志冰

操撫孤成立好施與因侍養不及待父母族尤加厚鄉里有賢母聲以壽終孫萬峯邑庠官巡政曾元孫以次遊庠

饒序乾妻程氏程耀海女二十九夫故遺孤一矢志不移事舅姑盡道叔母丁守節無子氏憐其老挈孤子爲之嗣敬奉無失守節三十餘年歿年六十有二

貢生甘冠元妻吳氏吳玉書女二十八歲夫故矢志靡他善理家政內外整肅三子遵提命克自樹立鄉里僉推母賢庠生登泰明經登念其■孫

崇陽縣志

卷九 人物

閩範

三五

王元圭繼室劉氏劉正煌女二十七歲夫故苦節自誓寂守嫠幃親屬罕見其面閩闈宗之

貞女陳錫閨陳兼善女幼字胡姓其貌不揚胡聞而退婚父母欲另字女誓死不從依膝下以居怡怡孝順治家勤謹終其身足不踰閩族里欽之汪基合妻陳氏庠生陳鈿女二十九歲夫故矢志孀居奉親鞠子始終一節歿年四十有五

庠生陳廷瑞妻傅氏庠生傅以忠女幼聰慧嫻姆訓二十于歸孝敬和順稱賢內助廷瑞好義喜爲善歲大疫施丸藥棺材賴以生活收瘞者不少氏

力贊成無吝色廷瑞歿氏年二十八奉孀姑撫三孤兒憔悴辛勤苦節自甘內外稱頌歿年四十七人龐攀柎妻孫氏年十九于歸二十一夫故無出矢志不二朱學使給勁節幽光額見年八十甘衍清妻王氏王廷貴女二十二歲夫故守節不渝王學使給節孝可風樞見年九十有四聶首登妻雷氏二十九歲夫故矢志守節閱歷艱辛撫兩孤成丁學使王獎額歿年八十孫定元列郡庠

傅譽祺妻廖氏年二十六生子燦章甫三歲夫故

崇陽縣志

卷九 人物

閩範

三六

矢志不渝紡績自勞義方爲教族黨稱其節且賢歿年七十有七

羅亨谷妻聶氏二十一歲夫故事姑育子家貧而節彌堅鄉閭推重

程道安聘妻孫氏孫麗藻次女幼讀班宋書性情婉摯而志趣堅貞將嫁先一月壻夭女聞訃奔喪撫棺慟絕欲以身殉勺水不入口已乃勉強承舅姑命畧進飲食久之絕粒死聞者無不傷之

王純清妻姜氏姜世超孫女年十七未賦于歸純清患病甚危氏聞之稟命父母謂壻早失怙恃兒

不去誰奉湯藥乃歸王侍疾衣不解帶者數月純清卒不起氏痛哭不欲生矢志孀居心同鐵石遠近無不歎服歿年三十有七

鄧進賢妻王氏性聰慧而激烈年二十八無子進賢病故氏悲號慘怛不食三日投繯死

周福姑周燮亮孫女許字儒童陳時安年十七未婚壻故女聞訃顛天幾絕請於父母縞素奔喪殯葬畢返母家家人知其性貞烈慮其輕生多方勸慰一夕女竟沐浴更衣自縊死士林咸弔以詩請旌建坊入節烈祠知縣高贈貞烈可風額

崇陽縣志

卷九 人物

閩範

三七

庠生楊鵬業妻吳氏通城太學吳庚泰女年十七于歸嫺姆訓舅歷任廣文蕭然囊橐鵬業喜讀書不問生產父歿家中落氏無怨言出釵鈿爲養姑資夫病足臥牀數年奉湯藥不稍懈夫故年二十八孀居撫子苦節自甘子被賊擄哀號顛天數月子得脫僉謂積誠所感性勤謹善女紅寡言笑守節一十六年病歿族里稱贊無異言

汪基良妻孫氏年三十夫故事舅姑撫孤子以節孝聞見年八十有三

士人姜祖嶽妻汪氏汪槐安女二十二歲于歸二

十八夫故氏矢志冰守奉翁姑飲食必先問所需  
然後進供督孤子德元讀父書補弟子員見年八  
十三歲

郡廩生王鎮常妻汪氏性貞靜言動不苟二十九  
歲夫故無出一室獨居紡績自奉不以貧乏有異  
志見年七十有四

士人簡登蟾妻吳氏吳光照女二十六歲夫故祖  
姑暨孀姑在堂氏矢志守節祖姑老病牀褥氏保  
抱如嬰兒凡數載歿葬祭盡禮撫教孤子備極嚴  
督王學使獎節孝貽徽楣額見年八十有三

崇陽縣志

卷九 人物

閩範

三八

王作霖妻宋氏宋有忠女八歲歸王合卺數年夫  
故氏年二十七撫遺孤成立守節四十餘年見年  
七十歲

龔仁利妻劉氏劉海溶女十五歸龔二十四歲夫  
故遺孤甫九月氏矢志冰守見年七十有一  
劉靖邦妻金氏金光斗女二十六歲夫故撫兩孤  
子守節不渝見年七十有二同治二年儒學獎額  
女宗是式

劉大智妻張氏二十八歲夫故矢志冰守閩範維  
嚴奉翁姑生養歿葬祭一一盡職見年七十三

貢生龐炳泰妻米氏二十八歲夫故矢志冰守撫  
兩孤成立長交孚列西庠次交道入學食餼交道  
妻饒氏饒俊達女年十九于歸德容言功均有足  
稱生子三交道不祿氏年三十取則孀姑壺範維  
肅子鍊成鑑成遊太學克成業儒俱奉慈訓如嚴  
命焉米氏見年七十有入饒氏年近五十兩代節  
孝閭里重之

徐文純妻王氏王國新女二十八歲夫故貧困無  
子矢志不移撫兄子爲後勤儉垂訓子孫遵教門  
風肅然見年七十有一

丁學涵妻王氏二十九歲夫故家貧無以葬躬自  
築塋哭泣三年一日喪明姑性善怒奉養維謹撫  
二子成立日事耕種夜歸紡績至更深子孫咸率  
教見年近八十康健□恙

傅序勝妻徐氏徐德魁女二十九歲夫故矢志不  
二事孀姑撫三遺孤身任井臼孝慈兼盡見年七  
十有一孫子成行

孫錫朝妻沈氏二十一歲夫故遺腹生子汝榮堅  
志守節孫曾成行鄉族咸稱道之

生員夏樹松繼室劉氏年二十八夫歿上奉老姑

下教孤兒備極艱辛督次子茹榮讀書入泮督學  
王額獎見年八十有四孫紹鼎今列邑庠

周開富妻舒氏結縈二載夫歿遺孤甫三月時氏  
年二十誓志守節撫孤子太學生昌孝成人族黨  
俱無閒言見年六十有二

蕭呈祥妻饒氏饒名昌女襁褓中就乳於蕭舅姑  
女視之年十五未婚夫故名昌議再字氏泣曰翁  
老矣姑死又無子養媳當女女代子職義不他適  
也父強之再三氏乃請兩姓及比鄰父老至焚香  
對天取刀斷左手小指血濺案上曰阿爺慮女志

崇陽縣志

卷九 人物

閩範

四十

不堅耶苟有玷父母如此指請翁叔蘸血作書併  
指付父藏之指歷久肉色不變守貞已四十餘年  
事翁生養歿葬祭盡禮如人子立嗣承祧家故貧  
勤紡績躬井臼勞苦度日心如鐵石鄉人俱欽敬  
焉見年踰六十

米春林妻汪氏廩生汪基肇女附生道謙姊二十  
九歲夫故事舅姑撫遺孤盡道守節四十餘年族  
里咸重之

程三姑幼字金子德未及笄而子德故聞訃縞衣  
適金撫棺痛泣伴靈守制歷三年如一日翁姑隨

逝出訪績餘資葬祭盡禮并爲夫弟完配續崇祀  
歸老母家道光十九年旌表見年六十有九  
陳榮和妻劉氏幼抱養於姑二十二歲夫故僅遺  
一女撫兄子爲嗣家貧乞食誓不改嫁拮据營甘  
旨孝養舅姑節操堅貞遠近敬服

汪鎮玉妻毛氏二十九歲夫故矢志不渝事孀姑  
鄭氏盡職教子有義方族里咸欽節孝

孫黃三妻趙氏二十歲夫故家貧守節奉養舅姑  
撫孤雛成立年逾八十含笑而終孫漢濱遊庠

譚裕寬妻汪氏汪明德女年三十夫故矢志守節  
七十有四

崇陽縣志

卷九 人物

閩範

四一

揭兩參妻傅氏傅理衡女年二十九兩參溺水死  
氏矢志孀居勤紡績上奉舅姑生養歿祭葬皆盡  
禮撫兩孤成丁節操凜然見年七十有四  
士人宋理和妻王氏王在止女二十九歲夫故子  
冠楚僅周歲氏矢志撫孤教養兼至紡績裕家外  
人鮮見其面冠楚太學生

士人謝廷選妻王氏王鎮興女二十五歲夫故毀  
容極哀矢志不二以禮事舅姑撫孤子任宸成立

見年六十有五

汪樹松妻金氏十歲歸汪合昏踰年二十歲夫故無出家貧苦節事舅姑存沒盡禮或諷再醮面斥之見年踰六十

饒序照妻陳氏陳可久女年二十八夫故矢志不奪家雖貧奉養竭力得舅姑歡訓兩孤子以勤儉忍讓閭里賢之見年六十有二

士人王寅工妻黎氏通邑黎以成女十六于歸甫二年而寡上奉祖姑下撫孤子備歷勤勞守節垂四十餘年見年六十

崇陽縣志

卷九 人物 閩範

四二

婁守謙妻鄧氏鄧桂林女十五于歸二十四歲夫故時舅姑在堂三孤俱幼氏矢志靡他孝養慈育一身肩責守節垂四十年

魏人修妻沈氏于歸六載夫故無出毀容素服矢志孀居立姪爲嗣孝奉公姑終始勿怠守節四十年

龔肇亨妻陳氏陳江禧女二十五歲夫亡翁姑存遺一子家貧孝養慈育日負薪夜紡績辛劬萬狀苦節三十餘年見年六十

黃沼全妻陳氏二十六歲夫故矢志不奪守節三

十餘年

吳杏林妻熊氏十六歲于歸二十九夫故遺腹五月生子撫養成立守節三十餘年見年六十一  
陳希玉妻王氏王華榮女十九歲夫故撫遺孤成立勗令讀書提命甚嚴性剛烈善怒獨能將順舅姑守節四十餘載見年六十有二

士人程開錦妻丁氏年十九于歸夫以勤學病臥牀褥三年調護曲至夫故子亦天氏時二十六歲矢志孀居爲翁買妾生子延師課讀閭里稱賢

熊大楷妻葉氏葉星文女年十九于歸二十六歲

崇陽縣志

卷九 人物

閩範

四三

夫故家貧苦節歿年六十有五

士人劉汝均妻王氏王典文女年二十九夫故翁姑在堂遺孤三歲氏矢志不渝孝慈兩盡見年六十有一

士人王理裕妻胡氏胡鼎銘女二十九歲夫故氏矢志靡他善事翁姑先意承志平日無疾聲厲色督遺孤讀書提命甚嚴有畫荻丸熊風範見年六十歲

李明魁妻程氏程引梁女年二十九夫故哀毀幾於滅性舅姑年老養生送死婦代子職守節今三

十餘年

王佑承妻趙氏趙連昇女二十一歲夫故家貧事舅姑育孤子守節四十餘年見年六十有六

雷民極妻陳氏陳萬富女二十八歲夫故奉老姑鞠孤子守節不渝見年六十有六

庠生陳峻秀妻沈氏沈際華女年十九夫故矢志冰清撫孤成立孫曾成行見年六十有七

丁上年妻謝氏謝安邦女二十八歲夫故遺孤二矢志堅守奉翁姑盡職督子讀書義方爲訓好善樂施鄉里頌之見年六十有一

崇陽縣志

卷九 人物

閩範

四四

金植三妻王氏王正雅女二十四歲夫故遺一子矢志靡他言動不苟勤紡織得舅姑歡守節三十八年見存

全紹聞繼室雷氏雷東翰女素嫻內則事親克孝年三十紹聞不祿氏冰玉自守勤績和丸勗子煥新讀父書遊庠守節三十餘載見存

增生蕭際昌妻沈氏二十八歲夫歿事姑撫孤冰霜矢操孝慈兼盡守節三十餘年見年六十

王輯軒妻雷氏雷村南女二十七歲夫故矢志不二善事翁姑見年六十有五

王源富妻譚氏譚文照女二十八歲夫故家貧兄弟勸令改適誓死不從事舅姑撫孤子紡織自給守節四十餘年

士人沈滋杞妻陳氏士人陳時逢女二十二歲夫故哀慟幾喪生性誠摯事舅姑盡道姑病危焚香匍匐向山寺籲佛乞茶飲之立愈平時足不踰閭外惟歲時上舅姑及夫墓而已以姪爲嗣娶婦生孫子婦復後先物故撫孫成立備極辛苦道光二十九年龍學使額獎見年六十有九

魏思立妻聞氏二十四歲夫故三月生遺腹子家

崇陽縣志

卷九 人物

閩範

四五

貧矢志無他生活取給十指苦節今四十一年

胡克修妻魏氏魏光祖女二十八歲夫故矢志守節見年六十有一

殷受榮妻丁氏丁開鰲女二十九歲夫故家貧苦節事舅姑育孤子盡道見年五十有一

沈昌柏妻王氏王墨瀾女二十六歲夫故翁老遺孤二氏矢志冰守婦職母道一身兼之督長子定揚讀書遊庠見年五十有五

何秋巖妻饒氏饒豫章女二十七歲夫故欲以身殉時遺腹數月翁姑諭以義得不死閱數月生男

撫孤養親冰霜勵節見年五十有六  
傅朝鼎妻陳氏陳錫和女二十六歲夫故慟不欲  
生朝鼎克家子父母倚重之聞氏哭則闕絕乃吞  
聲飲泣拭淚痕始見舅姑撫兩孤勤紡績食淡衣  
粗長日無歡容望而知爲貞節婦自幼負氣性而  
不忍於親舅姑多病調護不少倦舅病彌留寇警  
急妯娌奉治命扶姑匿山中氏獨不去曰兄弟在  
側缺一箇當代泉下人終子職也脫賊至自有死  
法何避焉見年五十有二

庠生王濟時妻龐氏年二十于歸事孀姑克順濟  
時病臥牀半年姑亦病先後物故氏侍疾送終一  
身盡瘁撫三孤成立課讀督耕冰霜勵節族里重  
之

田大昌妻米氏米楚占女二十四歲夫故矢志孀  
居勤紡織奉舅姑一節不渝見年五十有八  
饒俊遠妻吳氏吳海南女未笄來壻家性孝順舅  
姑歿哀痛動鄰里十九婚禮成二十九夫故撫兩  
孤貧不易節見年五十有一

蔡萬善妻宋氏宋清波女二十八歲夫故遺孤五  
齡矢志堅守敬事舅姑無違禮歿年踰七十

趙萬華妻沈氏沈隆富女三十歲夫故無出矢志守節撫姪爲嗣順事翁姑飭躬勤勞見年五十有

一

余永茂妻王氏蒲邑王順章女二十八歲夫故遺腹生女矢志孀居言笑不苟順事翁姑撫姪爲嗣守節二十三年見存

任煥德妻程氏士人程引位女二十歲夫故奉老姑撫孤子矢志冰守閨範維嚴守節三十年見年踰五十

趙清泰妻謝氏謝德元女性樸誠寡言笑二十三

崇陽縣志

卷九 人物

閨範

四七

歲夫故矢志冰守獨居一樓一切姻婭招延堅辭不應孝養舅姑事必躬親一子早殤撫姪爲後督令勤讀好施與歲大荒鄰二老孤貧饑餓垂危氏憫之出裳帛典粟以濟得免於死守節今三十八年

太學生陳炳南妻傅氏傅德容女十七于歸二十八夫故矢志無他事親撫孤紡績勤勞篝燈熒熒夜分不倦守節今三十二年

黃世伊妻陳氏陳增庠女二十一歲夫故貧無立錐地矢志不渝紡織自給撫孤成丁見年六十有

五

廖守益妻包氏荊州包永煌女二十八歲夫故家貧遺一歲孤兒辛苦撫育節操堅貞見年五十有一

饒序琦妻黃氏黃應茂女幼嫻姆訓二十七歲夫故氏每慟頓絕家貧勤鍼黹紡織奉孀姑姑性急患病多年服事維謹務得歡心夫有兄亦亡遺孤二先年異爨氏無出撫姪如己子與妯陳氏節操相勵扶弱叔成立爲營娶成家室當服闋時有以貧無子勸改節者氏怒唾之曰命薄任所適皆貧

崇陽縣志

卷九 人物

閩範

四八

無子也且兄弟有子不爲孤餓死事小失節事大何出此語耶言者愧服守節二十六載見年五十有三

謝繼富妻雷氏雷鎮圭女二十六歲夫故無出矢志不渝事舅姑盡道撫姪爲後見年五十有三張登榜妻程氏二十二歲夫故矢志不二奉舅姑盡職每逢夫忌辰必攜子拜墳前祭奠致哀見者感嘆

鄧南彥妻謝氏夫故年二十九孀居矢志節操堅貞族里咸稱贊之

葉耀賢妻傅氏二十六歲夫故子春華生僅十月  
氏矢志撫孤和丸課讀長入成均節母賢聲喧傳  
里黨

葉德安妻張氏張斗維女二十五歲夫故節操自  
勵孝奉舅姑每逢夫忌辰必祭哀號不止鄉族稱  
之

士人汪正澍妻陳氏陳之楫女十三歲來汪敬事  
舅姑勿怠正澍能文不遇早歿時氏甫二十八歲  
家徒壁立撫孤成丁苦節二十七年

汪啟睦妻殷氏殷元奇女二十七歲夫故茹苦飲  
冰撫成三子苦節今三十八年

汪啟達妻黃氏武生黃基太女歸汪七年失偶撫  
兩孤成立苦節今三十年

姜紹泮妻汪氏汪宣泗女二十八歲夫故矢志不  
渝守節歷四十五年

劉裕甲妻姜氏紹泮女二十九歲夫故家貧遺孤  
三矢志撫育苦節今四十四年

士人王道平妻金氏二十二歲夫歿守閨不出撫  
兩孤成立督讀父書苦節三十二年見存

士人趙燦華妻謝氏謝雲騰女幼讀女誡女訓等

書年十八夫故矢志靡他毀容屏飾言笑不苟事夫繼母以孝聞訓孤子嚴慈並用趙氏宦家居西冲俗尚徵逐演雜劇氏深閨獨處不出戶庭耳無聞目無見也每與婦女言必援古節孝貞烈女子作樣聞者肅然起敬見年五十有五

毛啟忠妻曾氏曾成齋女二十六歲夫故家貧或勸改適氏矢志不移奉舅姑盡職夫弟遊蕩在外弟婦死有子三人撫如己出皆馴謹率教里人稱氏賢見年五十有二

周國秀妻黃氏黃基昌女十九歲夫故遺孤一翁

崇陽縣志

卷九 人物

閩範

五十

欲奪其志氏矢志不二飲辛茹苦奉親旨甘已而子被賊害姑沒翁老伶仃萬狀族里咸矜之見年五十有四

傅譽洋妻陳氏陳光楚女性貞靜寡言笑二十歲于歸三十夫故撫兩孤成立艱苦備嘗志節惟一見年六十

汪達仁妻陳氏陳煥元女十七歲于歸敬奉舅姑相夫以道達仁宦江南挈愛妾往氏義命自安了不妬忌道光甲辰達仁卒官所氏聞訃哀毀骨立幾不欲生遺孤一甫完娶而天撫姪爲嗣與寡媳

劉氏朝夕相依鄉里咸欽敬之

士人徐德仁妻陳氏處士陳會川女性淑慎嫻姆  
訓年二十于歸二十三歲夫故遺一女氏矢志孀  
居毀容屏飾敬奉舅姑撫兄子爲後自幼勤女紅  
長年坐機杼執鍼黹寒暑宵書無片時暇深得敬  
姜習勞之意子壻遊庠歸謁氏出見曰勉之當爲  
天下士無惰也識見尤出男子上見年近五十  
貞女黃慧貞字慕嬰黃清海次女幼字鄭姓未歸  
喪偶卽矢志不他適依依膝下孝順無違善得父  
母歡心見年七十有九孺慕依戀之情猶時形詞  
色淒切動人閭里誦重

崇陽縣志

卷九 人物

閩範

五一

士人田正紳妻雷氏雷端拔女年十九于歸二十  
歲夫故遺孤一撫之將成人又天乃立姪爲後苦  
節三十餘年見年五十有七先後經邑令旌獎有  
松柏勁貞冰霜勵操楸額

熊美齋妻江氏江業潤女二十六歲夫故撫姪爲  
子矢志不渝見年五十有四

傅可象妻聞氏聞正發女二十九歲夫故遺孤甫  
周歲家貧翁姑欲贅壻養子氏矢志靡他拮据度  
日子職父道一身任之見年五十有一

王浩源妻周氏二十三歲夫故遺腹生子上拔矢志孀居撫孤成立上拔以縣試第一補弟子員咸豐初胡中丞額獎冰清玉潔九年請旌歿年五十有九

黃繼亮妻盧氏二十八歲夫故矢志不渝撫三子成人苦節堅貞鄉鄰稱頌見年七十

全學富妻殷氏二十七歲夫故家貧紡織供舅姑甘旨及歿葬祭如禮苦節數十年見年六十一戴宜元妻譚氏譚萬九女二十五歲夫故家貧撫孤成立苦節四十一年

崇陽縣志

卷九 人物

閩範

又五一

鄧廷輔妻朱氏朱德治女二十六歲夫故家貧矢志不奪撫兩孤成人翁姑老病送死事生俱克盡職見年五十有三

宋林幹妻陳氏陳贊美女十九歲夫故矢志不二教育遺孤成立鄉里無閒言

士人張美斯妻汪氏汪錫珪女二十一歲夫亡無出矢志守節事寡姑撫繼嗣盡道見年五十四謝金新妻劉氏劉良才女十八歲于歸越三載夫亡矢志守節奉七旬翁撫九月孤備極辛苦子業成均孫遊庠

士人饒俊諒妻譚氏譚大梁女二十九歲夫故毀容素服不輕出戶庭事姑訓子冰霜勵節性溫柔慈惠和於妯娌周濟貧寒戚里欽重見年五十有三

龔肇緒妻程氏程彌洪女二十八歲夫故事翁姑克順撫兩孤子以慈整躬勵節冰雪爲心見年五十有三

士人黃炳章妻姜氏姜祖仁女十八歲于歸二十九歲夫故哀毀過節屏絕鉛華事親撫孤允稱苦節見年五十有二

崇陽縣志

卷九 人物

閨範

五二

士人田慶賡妻劉氏劉樹祿女二十九歲夫故矢志守節井臼紡織以躬親之撫孤成立督令讀書閭里稱賢見年五十有二

士人汪垂紳妻金氏金衍慶女二十一歲夫故遺孤甫周晬氏矢志不二奉勇姑盡職訓子成人見年五十有八

士人王洪利妻陳氏陳大裕女二十九歲夫故矢志不二事親養子閨範肅然守節二十餘年見年五十有六

士人駱煌斌妻雷氏雷正聞女二十九歲夫故矢

志靡他事二老撫孤雛孝慈兼盡門內整肅人無閒言見年五十有二

鄧福全妻張氏張翠華女二十七歲夫故家貧矢志守節孝奉孀姑撫子成立善居積衣食有贏餘喜爲義舉建樂善橋遠近稱頌見年五十有九

士人程原義妻劉氏庠生劉鍾奇女二十五歲夫故矢志孀居事姑盡職撫姪爲子見年五十

士人王濟眾妻金氏二十□歲于歸濟衆性善怒患病臥榻三年氏奉侍湯藥典盡嫁衣曲意順從無愠色夫歿兩孤俱幼矢志堅守茹苦安貧督子

崇陽縣志

卷九 人物

閩範

五三

讀父書苦節二十八年見年五十有四

譚鳴祿妻饒氏二十六歲夫故矢志不移奉孀姑撫兩子家貧耐苦見年六十有二

陳立順妻李氏二十八歲夫故矢志孀居言動不苟見年六十有二

士人汪基寶妻葛氏葛茂太女十九于歸德容言功均善生四子二十九歲夫故井水盟心節操清冽督子讀父書嚴慈兼盡見年五十有四

龐世則妻黃氏黃用勤女十六于歸二十四歲夫故無出矢志不二立姪爲嗣奉舅姑存沒以禮見

年五十有五

米靖涵妻李氏年十六于歸十八歲夫故矢志靡他家貧紡織以養公姑至親登門出見不踰閩叔姪不輕接言生女一教誡極嚴閩範爲一鄉式見年五十

汪文明妻萬氏萬璧騰女十七于歸文明病氏侍疾衣不解帶者累月及歿時年二十七立志冰守撫二子成立姑歿翁青雲年高一切家事皆氏經理輕財好義家茶坑山中咸豐甲乙年間避亂入山者無不禮待見年五十有八子煥寶國學煥章

崇陽縣志

卷九 人物

閩範

五四

軍功保舉縣丞

龐泰得妻王氏王正佳女十八于歸二十七夫故矢志不二養老撫孤孝慈無忝見年五十

汪本煥妻李氏李文炳女年三十夫故家貧撫子苦節孀居見年五十有五

士人談言中妻甘氏甘國修女十九于歸二十七夫故孀居撫二子冰雪爲心見年五十有四

士人謝正楚妻陳氏陳宗緒女十八于歸二十一夫故毀容極哀矢志不二終事舅姑撫孤孩成立孝慈兼盡見年五十有六

士人王庭芳妻陳氏十九歲夫故家貧子在襁褓  
矢志無他事祖姑盡孝撫遺孤成丁見年五十有  
五

米能安妻李氏李明達女性樸誠寡言笑二十二  
歲夫故矢志樓居事舅姑視夫在加謹疏食惡服  
義命自安五十餘年毫無怨色

饒堂瑞妻程氏程煥陽女堂慶妻吳氏吳可極女  
妯娌俱以節著道光甲辰瑞不祿丁未慶亦亡兩  
巾幗同志孀居敬奉公姑訓孤子讀書成人松操  
柏節出一門城市推重程氏見年五十有三吳氏

崇陽縣志

卷九 人物

閩範

五五

見年五十

陳蘭芳妻劉氏二十六歲夫故苦節清操撫孤成  
立見年五十有二

汪惠基妻陳氏陳仁義女十九歲夫故遺孤鎮華  
甫兩月或欲奪其志誓死靡他家貧苦節骨瘦形  
毀撫孤成丁族里咸敬重焉見年五十有二

汪隆傑妻鄭氏鄭國棟女十九于歸二十四夫故  
矢志靡他事親撫孤苦節二十八年見存

胡光寶妻孫氏二十二歲夫故家貧撫兩孤成丁  
苦節堪矜見年五十有八

劉樹枳妻徐氏二十五歲夫故哀毀幾至滅性矢志孀居言笑不苟事舅姑存歿以禮撫孤成立見年五十

士人孫隆孝妻廖氏廖尙珍女二十八歲夫故遺二女翁姑年邁氏矢志守節立夫弟之子爲後孝慈兼□山俗凡婚娶吉筵親戚婦女咸集氏絕迹不與見年五十

宋濟寬妻鄧氏鄧祚元女二十九歲夫故撫兩孤矢志不渝苦節二十餘年見存

傅章成妻劉氏劉開學女十九歲夫故矢志不二

崇陽縣志

卷九 人物

閩範

五六

孝順公姑撫孤成立鄉族無間言見年五十二

汪春基妻金氏士人金元保女夫故奉姑嫜撫子姪守節四十餘年

汪基辰妻田氏十九于歸二十七夫故矢志不渝養老撫孤孝慈可風見年五十有九

汪秋村妻陳氏陳煌建女二十四歲夫故矢志不二毀容屏飾居城市不出戶庭奉姑孝養不怠見年五十

余拔正妻王氏王鰲女八歲歸余嫻姆訓二十九歲夫故矢志不渝事畜盡瘁已而二子俱殤依女

壻以居節操堅貞見稱閭里見年五十有八  
但開成妻劉氏劉治秀女二十九歲夫故孝順公  
姑恪守婦道守節二十四年

王陳氏陳麗川姑母二十歲適蒲邑王世福未踰  
年夫故氏終制大歸於陳依寡母以居撫孤姪勤  
紡績出所積貲爲姪娶婦節操堅貞行事磊落時  
稱女中丈夫見年六十有三

夏德品妻熊氏十九歲夫故家貧守節撫姪成丁  
鋤雲績月備嘗勞苦見年九十有二

黃基宿妻雷氏雷廷拔女二十八歲夫故家貧守

崇陽縣志

卷九 人物

閩範

五七

節事翁姑葬祭盡禮人無閒言見年九十有餘

蕭俊然妻饒氏饒楚元女二十三歲夫故遺腹生  
子家貧守志孝奉翁姑撫孤成立性嚴肅妯娌歡  
笑氏至靡不改容見年七十有三

劉相烈妻黃氏十五于歸孝順無違二十九歲夫  
故立志撫孤節操堅貞見年六十有六

戴煥秀妻黃氏黃謙點女二十九歲夫故矢志冰  
守苦節不渝見年七十有七

譚大梁妻蘇氏蘇士宏女二十八歲夫故矢志守  
節人無閒言見年七十有四

士人汪基瑞妻王氏二十七歲夫故矢志不渝事翁姑撫孤子三十餘年膏沐不事子業儒不祿氏哀慘過甚未幾亦歿宗族咸爲感泣

士人余槐卿妻龐氏龐交志女嫻女訓夫病奉湯藥盡瘁夫卒極慟死而復甦時年二十九歲矢志不渝奉翁姑撫兩孤人無閒言見年五十有一

蘇兆祥妻饒氏饒順民女二十八歲夫故無子矢志不二撫姪承祧始終一節見年六十有八

陳公端妻雷氏雷人可女二十九歲夫故家貧孝養翁姑自茹糟糠藜藿葉矢志不移撫三孤及兩孤

崇陽縣志

卷九 人物

閩範

又五七

姪備極辛劬子姪成立耕讀從教族里欽其節且賢見年六十有四

鄭澤□妻劉氏劉元達女二十五歲夫故遺孤未退歲而殤氏矢志不奪紡績奉姑姑嗜酒供奉無缺歿盡禮極哀繼子爲後見年五十有四

王西林妻鄭氏二十三歲夫故矢志不二苦節撫孤見年七十有六子原光入成均孫曾羅列

宋德齊妻朱氏二十八歲夫故矢志孀居屏絕鉛華事舅姑盡職撫孤子履亨成立督讀甚嚴族里推重見年六十有一

楊洪謨妻劉氏劉燕山女年十八于歸數歲洪謨  
迎兄洪愷於陝不獲偕獨歸病歿中途旅瘞氏聞  
信悲不食撫孤子依伯兄洪鼎以居冰心自矢不  
以貧挫志歿年六十有一

阮紹興妻王氏王西園女二十五歲夫故遺孤一  
矢志冰守事翁姑存歿盡禮性誠摯每攜兒祭掃  
墳墓戀戀不忘見年五十有一

士人魏人愷妻沈氏沈世爵女二十三歲夫故遺  
一子矢志堅貞一節不渝治家儉薄課子詩書見  
年五十有一

崇陽縣志

卷九 人物

閩範

五八

士人盧獻廷妻蔡氏蔡清鑑女二十九歲夫故事  
親撫孤冰霜礪節鄉黨稱頌之見年五十有三  
廖桂森妻張氏二十八歲夫故生遺腹子守志不  
渝終養舅姑督子讀書晝課耕種夜勤紡績勞苦  
萬狀鄉里稱嘆見年五十有二

王耀廷妻譚氏譚得名女十八于歸二十二歲夫  
故遺孤二齡矢志冰守屏去鉛華足不踰閩終事  
舅姑辛苦備嘗督子從師義方是勸見年五十  
石宜軒妻何氏何任廉女十九歲夫故矢志孀居  
事祖姑及姑克循婦職人無閒言見年近五十

程昌壽妻鍾氏二十四歲夫故後母在堂家貧子幼矢志嫠居族鄰並嘉其節孝見年五十八歲王銓智妻石氏石瑞山女二十九歲夫故家甚貧養親撫子覓食以濟苦節三十四年冰霜之操族鄰欽服

王銘琇妻汪氏早寡守節撫孤成丁咸豐乙卯春粵賊突至殺其子及夫弟氏捨身捍蔽賊并刃之割□□去夫弟及子徐甦氏創重死小港保已下俱殉難婦女陳永朝妻張氏遇賊將逼汙大罵見殺鹿門保

龐林德妻姜氏被賊執拷問團紳堅不肯認乘間

崇陽縣志

卷九 人物 閩範

五九

投水死時年六十仙師保

陳雲倬妻魏氏被賊追逼恐汙溺水死時年十六

歲灌溪保

楊余氏夫文起甲寅團勇明年賊至求文起不獲執余氏鞭之肌膚寸裂氏罵賊不屈死時大雨溪水湧賊棄其屍溪中越日水消屍仍在故處面目如生奏請祀郡城昭忠祠方山保

宋逢涵妻楊氏楊德中女賊至恐汙赴水死桂口保俱

咸豐乙卯年

宋熊氏被賊逼不受汙見殺妙明年保

徐光明妻王氏王基平女遇賊見逼力拒飛奔得

免登時吐血亡

湯田保  
乙卯年

金余氏附忠義金慶揚傳

縣市里

孫葉氏附忠義孫開元傳

方山保

王槐懿妻張氏被賊逼自經全節

茶峯保

張趙氏賊至吳城港氏畏汙先投繯死

丙辰年  
洪橋保

龐兩亭妻王氏賊匪經過被執罵賊不受汙被害

仙師保  
辛酉年事

黃烈女黃源有之女幼許配劉氏子同治乙丑夏  
路逢叛勇驅入城行經吳漣塘一躍赴水死時年

崇陽縣志

卷九人物 閩範

六十

十有六

黃沼玉妻程氏居南郊年老貌陋叛勇入崇舉家

遠避氏獨守宅見執鞭笞甚急投水死

全上俱  
上津保

陳永道妻沈氏沈清華女居北郭外叛勇入崇氏

負女孩隨老姑倉卒與值自知不免以女授姑奔

投池中死時年二十四

鹿門保

石倫琥妻陳氏賊火其屋罵賊見害

石鉅仁妻宋氏被逼恐汙赴水死

石鉅堂妻陳氏石鉅樂妻鍾氏同日遇賊不屈見

殺

俱下巖保  
乙卯年

殷以德妻夏氏二十歲夫故遺孤二家貧守節奉翁姑終老撫孤成丁見年六十嘗辛苦者已四十年鄉鄰無不嘉嘆

甘鍾棠繼室蔡氏從夫官廣西咸豐癸丑鍾棠卒任氏扶柩歸時年方三十有子一家貧嫠居勤紡績訓子讀書荆釵布裳安之若素見年近五十

汪寶善妻周氏年二十二夫故遺孤一矢志守節

見年六十

已上三人節婦

孝婦

魏朝仲妻沈氏事翁姑盡孝姑年七十餘病故翁

崇陽縣志

卷九 人物 閩範

六一

八十二歲染風證飲食待餒大小二便俱沈氏接洗如是六年服侍不少懈並無難色氏後享壽九十八歲眼觀五代繞膝孫曾孝順世代勿替

王品朝妻萬氏萬德華女姑楊氏病癱疾七載語不成聲氏奉養極周至飲食寒煖大小便一切皆躬親之鄉里稱孝姑臨終喃喃語曰爾後必昌

王源溥妻傅氏處士傅璉列女善事翁姑姑劉氏病風輾轉牀褥閒三四年飲食二便氏貼身保護如嬰孩病甚頃刻不離側姑泣語人曰大媳孝婦也性明慧解醫方治小兒病精縫紉見年八十有

七能燈下穿鍼闈闈宗之

諸生饒世則妻石氏諸生石中道女性和順自幼  
嫻姆訓恪循婦道不有私財母家歲時餽問必待  
舅姑轉賜然後受卽一物之微悉以奉二老也翁  
臨終遺誡諸子婦顧氏云無他望汝但願汝子媳  
異時孝敬如汝也其得老人歡如此  
吳均善妻王氏性淑慎孝事翁姑姑病醫不能治  
氏禱於神剗左肱烹調以進病即瘳又二年復剗  
其右肱以愈夫病姑延壽八十有九年氏及夫見  
存

崇陽縣志

卷九 人物

閩範

六二

盧汪氏性懇摯道光閒夫病疫垂危氏禱諸神割  
肱肉醫治病立愈今夫婦見存附

庠生巴錫璋妻雷氏太學雷式穀女夫病侍湯藥  
衣不解帶者六閱月醫藥罔效割左耳雜藥以進  
病稍可未幾竟不起氏昏死半日甫蘇家人去其  
裹巾見血迹咸驚嘆焉附

賢母

米良崑妻朱氏名家女通經能文明季避寇自蒲  
遷崇訓孤子舫成孝廉

王母饒氏明經濤諸生淇淙之母輕財好善出所

蓄金修石規陂孫曾盈前四代同居壽一百有餘  
歲曹侯學詩過其宅母扶杖出見侯問治家何道  
答云與老父母治邑同只在至公無私耳侯嘆爲  
至言贈惠同眾母額

王鼇妻譚氏貢生王基成母性淑惠善事姑嫜冬  
溫夏清最得歡心其孫子讀書成名者衆時人稱  
鼇詒謀之善而尤推母賢壽年九十有四

庠生劉繩成妻黃氏淑慎慈惠生子三丸熊勗讀  
映奎食餼映斗映鵬遊庠母壽九十有二族里咸  
欽其姆範

程文煥妻雷氏幼嫻姆訓言笑不苟雖割肉必方  
正妯娌皆敬憚之眼觀五代壽九十有九  
傅湯銘妻婁氏慈和好善年四十餘生子森夫不  
祿堂訓甚嚴子畏之如父師出入稟命子偶逐羣  
兒嬉則啣悲不食長跽告罪乃已晚持大士齋年  
九十有六無疾逝

饒元緒妻殷氏增生饒開基母事舅姑相夫訓子  
孝順慈和閨範爲一鄉式眼觀五代壽九十歲  
田吳氏庠生正南太學正寅明經正表母性慈祥  
持躬勤儉督兒孫讀書慇懃懇至歿年九十

李胡氏太學立早之母好善樂施捐金育女立早喜爲善於鄉皆母教也歿年九十

陳傅氏諸生陳履亨嫡母秉性溫惠其生母賀氏蒲邑太學賀大純女性柔順相親若姊妹賀乳子傅視若己出賀早故傅督子讀書里中稱賢

傅母陳氏名門女幼嫻內則能歷舉古淑媛懿行配處士述鐘有桓孟高致性慈和雖對子婦無疾言遽色尋常不出戶庭避亂篋輿從予燮鼎轉徙深山窮困至采蕨拾橡以養安之若素自謂能學介母也壽年七十有六王侯紹薪嘗致胙贈詩

崇陽縣志

卷九 人物

閩範

六四

命婦

周李氏明周琮母封宜人

周嚴氏琮妻封宜人

傅張氏傅順母贈安人

傅吳氏源妻封安人

陳楊氏陳文崇母封宜人

陳徐氏文宗妻封宜人

楊程氏楊昺母贈孺人

楊熊氏昺妻贈孺人

楊魏氏昺繼室封孺人

戴金氏戴書母贈孺人

戴蒙氏書妻封孺人

王張氏王疇母贈宜人

王楊氏疇繼母封宜人

王陳氏疇妻封孺人

汪李氏汪必東母封安人贈一作汪氏

汪周氏必東妻封安人贈一作蒙氏

汪夏氏汪文盛母封安人贈恭人

汪彭氏文盛妻封安人加封恭人以子宗伊加封

太淑人

崇陽縣志

卷九 人物

閩範

六五

蔡孫氏蔡乾母贈安人

蔡王氏乾妻封安人

龔鮑氏龔湜母贈安人

龔鄭氏湜妻封孺人

汪楊氏宗元宗凱母封安人加封太宜人

汪彭氏宗元妻封孺人贈恭人

汪周氏宗元繼妻封恭人

汪陳氏宗凱妻封孺人加宜人

汪葉氏宗凱繼妻封宜人

汪蔡氏宗伊妻封淑人

饒汪氏饒天民母封孺人

饒陳氏天民妻封孺人

劉汪氏劉景韶母封安人

劉張氏景韶妻封安人以子日孚封太恭人

劉戴氏日孚妻封恭人

汪彭氏汪本沂母封孺人

汪殷氏本沂妻封孺人

汪戴氏汪廷鈇母封太安人

汪饒氏廷鈇妻封安人

胡戴氏胡定母封太宜人

崇陽縣志

卷九 人物

閩範

六六

胡蔡氏定妻封安人

饒程氏饒仁侃祖母贈太淑人

饒孫氏仁侃母封太淑人

饒徐氏仁侃妻贈淑人

饒汪氏饒曾祖母封太安人

饒雷氏曾母封太孺人

饒鄭氏曾妻封孺人

陳趙氏陳忠愛母贈恭人

陳程氏忠愛繼母封安人贈恭人

陳王氏忠愛妻贈恭人

陳甘氏忠愛繼妻封恭人

孫陳氏孫鉉母封太安人

孫鄭氏鉉妻封安人

孫王氏鉉繼妻封安人

孫張氏孫可僎母贈恭人

孫汪氏可僎妻封恭人以子鈺仍贈恭人

孫郭氏孫鈺妻封孺人

孫曾氏孫鏞妻贈安人

孫丁氏鏞繼妻封安人

熊石氏熊則禎母累贈孺人

崇陽縣志

卷九 人物

閩範

六七

熊雷氏則禎妻贈孺人

熊王氏則禎妻累封孺人

熊楊氏則禎繼妻封孺人

陳王氏陳士元母贈孺人

陳毛氏士元妻封孺人

王丁氏王應斗前母累贈孺人

王孫氏應斗母累封太孺人

王甘氏應斗妻累封孺人

汪劉氏汪桂母封太孺人

汪劉氏桂妻封孺人

黃陳氏黃色中母贈孺人加贈宜人

黃吳氏色中妻贈孺人加贈宜人

蒙汪氏蒙正發母贈孺人

蒙方氏正發妻贈孺人殉節詳前已上人

譚汪氏譚琳母 封宜人

譚汪氏琳妻 封宜人

米汪氏米調元母 封孺人

米劉氏調元妻 封孺人

蕭王氏蕭何復母 贈孺人

蕭楊氏何復妻 封孺人

崇陽縣志

卷九 人物

閩範

六八

陳汪氏陳繼成母 封孺人

夏李氏夏士任母 贈太孺人以孫振芳 贈太

安人

夏譚氏夏振芳母 贈安人

陳楊氏陳之本祖母 贈孺人

陳王氏之本母 贈孺人

雷方氏雷鳴昌妻 封孺人

米孫氏米燦母 贈孺人

王龔氏王式烈母 贈孺人

孫饒氏孫鍾琇母 贈孺人

王方氏王大猷母 贈孺人

王程氏王鎮新母 贈孺人

劉汪氏劉鎮岐嫡母 贈孺人

劉何氏鎮岐生母 贈孺人

趙朱氏趙光宇祖母 贈宜人

趙甘氏光字母 贈宜人

周劉氏周燮亮母 贈宜人

周吳氏燮亮妻 封宜人

殷沈氏殷植澧母 贈孺人

殷丁氏植澧妻 封孺人

崇陽縣志

卷九 人物

閩範

六九

舒金氏舒萬峯母 贈孺人

石王氏石熾然母 贈孺人

沈周氏沈得源嫡母 贈孺人

沈丁氏得源生母 封孺人

沈周氏得源妻 封孺人

程丁氏程銘烈母 封孺人

黃甘氏黃玉母 贈孺人

劉程氏劉念祖母 贈孺人

劉王氏劉汝祺母 封孺人

劉陳氏汝祺妻 封孺人

劉吳氏汝祐母 贈孺人

孫沈氏孫麗藻祖母 贈宜人

孫汪氏麗藻母 封宜人

孫丁氏麗藻孀母 贈宜人

盧鄧氏盧樹芝祖母 封安人

盧陳氏樹芝母 封安人

壽母

楊陳氏太學生楊盛鑑母壽百歲

陳尊五妻魏氏壽九十六歲鬢髮猶黑眼觀五代無疾而終

崇陽縣志

卷九 人物

閩範

七十

壽考張楚鼈妻鄧氏年九十有二

陳立基妻汪氏壽年九十有二五世同堂知縣王沛膏旌額

胡姚氏壽考胡相桓母年九十有六吳氏相桓妻年九十有二

劉篤時妻魯氏淑慎性成克嫻內則壽年九十有

一  
傅森妻陳氏性仁慈手有異紋壽九十歲眼見子孫七十餘人歿時身作黃金色入柩三旬未掩扶之能起坐骨節屈伸如生人識者云尸解也

傅動四妻陰氏陰德亨季女嫻姆訓恭儉好善壽年九十有二

余商銘妻黃氏眼見五代壽年九十有二

陳章潤妻程氏壽百歲 恩榮建坊旌表

談周氏武庠談定三母壽百歲

劉士美妻陳氏壽九十二歲

汪正經妻王氏壽年九十子達川孫其仁俱諸生

王允安妻傅氏壽年九十有四

揭錦堂妻吳氏年九十有六眼觀五代

饒開明妻甘氏壽考饒世德母壽年九十眼觀五

崇陽縣志

卷九 人物 閩範

七一

代

鄧重義妻揭氏壽年九十有三

黃德恆妻上官氏壽年九十有一

楊諶氏年八十八

馮文翰妻石氏壽八十八詳壽考門

胡戴氏年九十歲安貧蠶績至老不倦

李廖氏性尚儉樸喜課桑麻年八十有八

龔淑和妻余氏溫柔貞靜好善樂施壽年九十有

四子孫環立者八十餘人元孫勲諸生

楊星石妻劉氏壽年九十子太學鼎業見年七十

孫榮桂榮鳳俱諸生子孫環立者六十餘人  
張蔡氏與夫冰輪同年生同日歿鄒胡氏鄒運亨  
妻俱詳壽考門

黃兩平妻田氏壽九十歲子菊叢增貢

傅理衡妻甘氏性慈善好生壽年九十有一

楊洪鼎妻陳氏生長名門相夫有道洪鼎性豪家  
貧好客樽中酒不空氏咄嗟立辦粵寇之亂子一  
鶚從軍仇家乘隙引土賊火其屋官軍復崇氏戒  
子釋怨無急功名以取戾壽九十歲士大夫多爲

賦詩

崇陽縣志

卷九 人物

閩範

七二

傅在田妻葉氏壽年九十有二

雷沈氏壽九十歲親見孫端乾食餼於庠

吳可極妻宋氏見年八十有六身猶康健子孫百  
餘人長孫光藻郡庠生

汪樹基妻田氏見年九十一歲康健無恙

龐饒氏見年九十有九詳壽考饒士聖傳

丁恭廉妻汪氏見年八十有六

坤利牝貞無成有終妻道象之十二辟卦坤爲十  
月前剥後復尤節婦之象也婦之節者承先啟後  
令夫不死與臣忠子孝並扶三綱顧不重歟貞女

烈婦或不嫁養親或以死殉夫事關名教俱當大書今依四鄉紳耆采訪舉報名目編續舊志示勸也婦與女節與烈並志從同也分書孝婦賢母彰美也書命婦壽母著榮也以夫爲主無成之義也書其父書其子三從之義也其父其夫其子及其孫曾均爲著名亦以示勸也

崇陽縣志卷九終

崇陽縣志

卷九 人物

閩範

七三